

# Роббимнинг раҳмати - Ҳабибим



14:00 / 03.03.2022 1803

(биринчи мақола)

Оналарининг қорнида 2 ойлик бўлганларида оталаридан айрилдилар.

Таваллуд топгач, бир муддат оналари билан яшаб, кейин Ҳалима онамизнинг уйларига кетдилар.

4 ёшга етганларида яна оналари Оминанинг бағрига қайтдилар.

6 ёшга етганларида оналари билан Мадинага, оталарининг қабрини зиёрат қилгани бордилар.

Мадинадан қайтишда Абво деган жойда оналари ҳам вафот этдилар.

Маккага келганларидан сўнг 8 ёшларигача боболари Абдулмутталибининг бағрида униб-ўсдилар.

8 ёшга етганларида боболари ҳам вафот этиб, амакилари Абу Толибнинг қарамоғига ўтдилар.

Абу Толиб ва унинг аёли кичик Муҳаммад алайҳиссаломни ўз болаларидан кўпроқ яхши кўрар эдилар.

12 ёшга етгандарда амакилари билан Шомга савдо юмуши билан бордилар. Йўлда у кишига бир булут соя солиб борди.

25 ёшларда Макканинг бой ва покиза аёлларидан бўлмиш Хадижабинт Хувайлид у кишини савдо ишларига таклиф этади.

Савдо юмуши билан яна бир бор Шом тарафларга борадилар. Хадижанинг хизматкори Майсара Муҳаммад соллаллоҳу алайҳи васалламда ажиб ҳолатларни кўради. Яъни, устларидан бир булут доим соя солиб юрганининг гувоҳи бўлади ва Маккага қайтиб, саййидаси Хадижага бу ҳолни сўзлаб беради.

Шу воқеадан сўнг Хадижабинт Хувайлид у зот алайҳиссаломга оила қуриш таклифини билдирадилар. У зот алайҳиссан амакилари Абу Толиб билан маслаҳатлашгач, бу таклифни қўллаб-қувватлаб, Хадижанинг уйига совчиликка боришади.

Ажойиб тўй бўлиб ўтади.

Тўй ўтгач, дунёдаги энг баҳтиёр оиланинг турмуши бошланади. Энг покиза қалблар биргаликда яшай бошлайдилар. Муҳаммад соллаллоҳу алайҳи васаллам бу гўзал оиланинг соҳиби сифатида бутун дунё эркакларига ибрат бўладиган ҳаёт кечирадилар.

Рамазон ойида Макка яқинидаги Ҳиро ғорида тафаккурга берилиб, бу оламнинг бежизга яратилмагани ҳақида фикр юритадиган одатлари бор эди.

40 ёшларда Рамазон ойида одатларига кўра Ҳиро ғорида ўйга берилиб турганларда, Жаброил алайҳиссалом келиб, «**Ўқи!**» дейдилар. Муҳаммад соллаллоҳу алайҳи васаллам «**Мен ўқиши билмайман**» дейдилар. Ҳазрати Жаброил алайҳиссалом у зот алайҳиссаломни қаттиқ қисиб, қўйиб юборадилар-да «**Ўқи!**» дейдилар. У зот соллаллоҳу алайҳи васаллам яна «**Мен ўқиши билмайман**» дейдилар. Ҳазрати Жаброил алайҳиссалом иккинчи марта ҳам қисиб, қўйиб юбориб, «**Ўқи!**» деганларида у зот алайҳиссалом яна «**Мен ўқиши билмайман**» дейдилар. Улуғ фаришта Жаброил алайҳиссалом бу сафар ҳам қисиб, қўйиб юборгач, ана шунда:

**يَذْلِمْ رُكْأَلِكْبَرَوْأَرْقَا قَلْعَنَمَنْأَسْنِلِقَلْخَ قَلْخَ يَذْلِلَكْبَرَمْسِنَابْأَرْقَا مَلْعَنِيَ مَلْعَنِيَ**

**«Яратган Роббинг номи билан ўқи. У инсонни алақдан яратди. Ўқи! Роббинг карамлиларнинг карамлиси дир. У қалам билан илм ўргатгандир. У инсонга билмаган нарсасини ўргатди», (Алақ сураси, 1-5-оятлар) оятларини Мұхаммад соллаллоҳу алайҳи васалламга етказадилар. Бу оятлар Набий соллаллоҳу алайҳи васалламнинг қалбларида нақшланиб қолади.**

Ха, Абдулмутталибининг ёш вафот этиб кетган севикли ўғли Абдуллоҳнинг ёлғиз фарзанди Мұхаммад соллаллоҳу алайҳи васалламга оламлар Роббидан нозил қилинажак Қуръоннинг ilk оятлари ана шу тарзда нозил бўлган эди.

Мұхаммад Соллаллоҳу алайҳи васаллам ушбу оятлар нозил бўлгандан сўнг Набий бўлдилар. Набий Аллоҳ таолодан ваҳий келадиган киши деганидир.

Бу воқеадан ҳаяжонланган Набий соллаллоҳу алайҳи васаллам севикли аёллари Хадижа бинт Хувайдиднинг ҳузурига йўл оладилар. Бориб, «**Мени ўраб қўйинглар!**» дейдилар. Аёллари у кишини титроқлари босилгунича яхшилаб ўраб қўядилар.

(Давоми бор)

**Нозимжон Ҳошимжон тайёрлади**